



SAKSFRAMLEGG

Sakshandsamar: Tone Tysseland Holmefjord	Arkivkode: FA-A20
Arkivsaksnr: 23/865	Løpenr: 23/10795
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	09.11.2023	070/2023
Kommunestyret		

Utstyr til uteområdet på ungdomsskolen

09.11.2023 Formannskapet:

Handsaming i møtet:

Sak 070/2023, foreslått av Øyvind Røen, Senterpartiet

Det vert laga ein plan for kortsiktige tiltak for uteområdet til ungdomsskolen på Tysse. Hovudmålet er å auka trivselen for elevane. Det må difor leggjast stor vekt på ønske frå elevane, og er det mogeleg, bør dei vera med når tiltaka skal gjennomførast.

Tilleggssetning til framlegg frå Øyvind Røen, foreslått av Shirin Kvernes Khadoor, Arbeidarpartiet
Rådmann legg fram oversikt over moglege kortsiktige tiltak som kan startast opp raskt, i kommunestyremøtet 7/12-23.

Handsaming:

Etter den innleiande debatten bad Shirin Kvernes Khadoor (Ap) om gruppemøte.

Etter gruppemøtet heldt handsaminga fram. Ordførar Karl Bård Kollbotn (Frp) bad så om nytt gruppemøte.

Etter gruppemøtet sette Øyvind Røen (Sp) fram framlegg til vedtak.

Shirin Kvernes Khadoor sette fram framlegg om ei tilleggssetning til framlegget til Øyvind Røen.

I røystinga vart framlegget til Øyvind Røen, inkludert tilleggsframlegget til Shirin Kvernes Khadoor, sett opp mot framlegget til rådmannen. Framlegget til Øyvind Røen vart samrøystes vedteke.

FORM- 070/2023 Vedtak:

Det vert laga ein plan for kortsiktige tiltak for uteområdet til ungdomsskolen på Tysse. Hovudmålet er å auka trivselen for elevane. Det må difor leggjast stor vekt på ønske frå elevane, og er det mogeleg, bør dei vera med når tiltaka skal gjennomførast. Rådmannen legg fram oversikt over moglege kortsiktige tiltak som kan startast opp raskt, i kommunestyremøtet 07.12.2023.

Rådmannen sitt framlegg til vedtak:

Samnanger kommune vurderer plan for opprusting for uteområdet på ungdomsskulen i samanheng med struktur og temaplan for eigedomsmassen til kommunen. Det skal utarbeidast ein fullstendig plan med kostnadsoversikt for uteområdet etter ynskja til elevrådet.

Saksopplysningar:

Bakgrunn for saka: Anja Elisabeth G. Markhus sette fram følgjande interpellasjon i kommunestyret den 14/09.2023:

«Skuleplassen på ungdomsskulen er ikkje eit fint syn. Her bør det gjerast noko umiddelbart. Elevane skal trivast i sine omgjevelsar.

Forslag til vedtak: Til kommunestyret den 19. oktober kjem rådmannen med ei sak og kostnadsoverslag der det er utgreidd kva som må gjerast med rydding av området, og ein plan for opprustning. Elevane vert gjeven muligheit til å koma me inspel til kva dei ynskjer.»

Faktagrunnlag, problemskildring og moglege løysingar:

Til kommunestyret den 19.10.2023 hadde ikkje rådmannen tilstrekkeleg grunnlag eller fått inn kostnadsoverslag til å utarbeide sak. Saka vert no lagt fram sjølvom vi framleis ikkje har fått inn tilstrekkeleg grunnlag.

Det vart stilt spørsmål om status for uteområdet og rydding av området.

Der difor vedlagt ligg bilde av uteplassen datert 09.10.2023 om korleis det ser ut på skuleplassen.

Det er planlagt å slodde over området, mellom ballbingen og nybygget, som har fått tilvekst av gras. Grusen som ligg i haugar er spesial fallgrus som nyttast under disser og sklier til bruk både på ungdomsskulen og dei andre uteområda etter behov.

Det manglar nokre plankar i ballbingen, som vert skifta ut og nye nett vert bestilt.

Oppgradert dekke i ballbingen har ein kostnad på om lag kr 100.000 inkl mva og var ikkje prioritert i 2023. Det er eigne fagfolk som må utføre dette arbeidet. Tiltaket bør inngå som eit tiltak i samband med pott til oppgradering av uteområdet.

Ungdomsskulen har og eigne arbeidslivsfag med eigne prosjekt på uteområdet som er i regi av skulen og som rektor har ansvar for. Rektor tek kontakt med teknisk drift om dei har avfall som dei ynskjer at teknisk drift skal ta seg av.

Uttalar frå elevrådet:

Elevrådet ved ungdomsskule har uttalt seg om saka og deira ynskjer er:

1. Fleire sitteplassar både ute og inne. Ute er det fint å kunne sitje under tak. Lage eit område ute med tak og benker kor elevane kan opphalde seg.
2. Basketballbane med to korgar, slik at ein kan spele kamp. Det er ikkje mogleg å spele basketball på skuleplassen då det berre er grus.
3. Nye/betre nett i ballbingen. Oppgradere dekke i ballbingen.

Plan for opprusting:

Me har sendt ut førespurnad 12.10.2023 til 4 firma om skisse for uteområdet med kostnadsoverslag. 1 firma har avslått å bistå oss. 2 firma arbeidar med saka, men seier det vil gå mellom 4-6 veker før deira arkitektar har kapasitet til å sjå på saka, 1 firma har ikkje respondert.

Denne førespurnaden må ikkje betraktast som ein minikonkurranse då spesifikasjonen for oppdraget har vore i høve det som elevane ynskjer seg for området og ikkje ein totalvurdering for heile skuleområdet.

Vurderingar og konsekvensar:

Det som står ovanfor om rydding av området tek teknisk drift seg av snarast.

Ut frå ønskja til elevrådet og erfaringstal frå opprusting av uteområdet på barneskulen rår vi til å vente med vidare planlegging av ungdomsskulen sitt uteområde til kommunen har fått avklart framtidig struktur og temaplan for eigedomsmassen til kommunen. Planen skal gje grunnlag for kva premissane kommunestyret skal gje for 2025-budsjettet og økonomiplanarbeidet. Elevane sitt forslag vert tilråd å komme tilbake til og finansierast som eige investeringsprosjekt i tråd med strukturplanen.